

Bharot Disomren Na~wa~ President Hisa_bte Ekrar_e Hataokeda Draupadi Murmu

Bharot disom reak´ Itihas sakamre pa_hil dhao a_diba_si santal president hisa_bte bachao ocoyena Draupadi Murmu. President sec´te lekhare uni do 15 ak´ President-e lekha kana. Ar Maejiu president sec´te dosaric´ president-e hoyena.

Tehen´ Sombar (25 July) setak´ 10: 15 baja okte Suprime Court ren maran´ bica_rpa_ti NV Ramana t_hene ekrar_keda. Ina_kate hor_ko samanire thor_a kathae ror_keda.

Un jokhen nonkae menkeda je, President hisa_bten´ bachao ocoyen nia do eken in´ eskar do ban´, disomren jo_to_ hor_koak´ daya dula_r_tegen´ bachao n´amena. Ente cedak´je jo_to_ ren´gec´ orec´ hor_koak´ a_sirbadte tehen´ noa huda_ren´ dur_up´ena. Arho~e menkeda, noa as bhorsan´ dohoeda apekoak´ daya dula_r_te in´ak´ jo_to_ lekan da_yik ko napaeten´ ka_mi idia.

Bharot Disomren President Draupadi Murmu Bachaoente Gaibandaren Hor_koak´ Ra_ska Reak´ Andor_

Bharot disomre na~wa~ president hisa_bte Draupadi Murmu bachao ocoyente ra_ska_te mit´te jomkaoate Gaibandha ren santalko ho_ho_a_curkeda.Hola Sa_nicar (23 July) 11 baja jokhen ona so_ho_r reak´

re_lgate t.otha khonko ehop'ket'te got.a ad.epaseko ho_ho_ a.curkeda.

Nia. ra.ska. reak' jomkao ho_ho_ do_ko bo_ndo_sleda Gobindogonj upa.jila. reak' Sahebgonj-Bagdha Farm Bhumi Udhar Committee, Adibasi Bangali Songhoti Porisod, Samajik Songram Porisod ar Sechasebi Songothon.

Nia. ra.ska. jomkao akhr.are amdaj sae cetan maejiu ar baba hor.ko selet'lana. Eken ina. do ban' bickom a.d.i mon'j saj-sapap' metak'me mit'ge dhuti, sa.r.i ho_ro_k' bande katec'ko sajaolena. Ona sa~ote tumdak' t.amak, tirio, murli, banam ante a.d.itet' ra.skawate got.a so_ho_rko andor. cabakeda. Arho~ Ra.ska.te ko enec' seren' bar.akeda.

Noa akhr.ar.e mit' bar kathae ror.keda, Adibasi Bangali Songhoti Porisod ren convener ar jila Ainjibi somiti ren sadharon sompadok Sirajul Islam, Jon-uddog ren Sodosso socib Probir Chokroborti, Santal ko ren a.yuric' Pricila Murmu, Samajik Songram Porisod ren convener Jahangir Kobir, Santal ko ren a.yuric' Sufol Hembrom, Komol Hembrom, Ar Trisa Murmu. Ado_ ho_ho_ muca.tre sanamko mist.iko em calat'koa. Ar sanamko ha.pa.t.in'ate mist.iko jo_mket'a.

Bharo_t Disa_mren Disa_m Mukhia (President) Ekrar. Hatao Akhr_a 25 July

Sanamkogebon bad.aea je, calaoen Lukhibar (21 July) Draupadi Murmu na~wa~ president hisa.bte bachao ocoyena.

Bharo_t disa_mren President hisa.bte darakan 25 July setak' 10:14 minit.re Draupadi Murmu do_ da.yike hataoa. Ar ona la.git'te ekrar.-e hataoa. Rastropati socibaloy khonak' noa ekrar. akhr.a reak' ta.rik ar dinko la.i so_do_rakana. Arho~ menakana, ekrar. tayom 10:23 minit.re

na~wa~ president mit' bar kathae ror.a.

BJP do_l sec' khon bachao n'amakana Draupadi Murmu do Bharot disom reak' nagamre a.diba.si santalko modre pa.hil uta.r president. Ente nia.lahare a.diba.si santalko modre okoege noa President ak'dur.up'ak're ban'ko dur.up' dar.eakada. Menkhan nuige pa.hil President hisa.bte bachao ocoyena.

O_r_e_c' Pho_n'pho_n' Dolil

La.r.ha.i la.r.ha.i la.r.ha.i kate, la.r.ha.i kate ban'caok' abon.

Kulhi kulhite nonkan a~t. ar.an' ho_ho_ an'jo_mte ba.n' moneada. Tehen' Mon'gol Tudu ak' me~t' mut.ha.n a.d.ige hados ar mirlun'ge n'elok' kana. Ente Brit.is pa.kistankoak' amo_l kho_n a.gil-hapr.amkoak jumi-jaega do jumi ek'r.e ba.r.ic' hor.koak' tire par.aoakana. Jal dolil bhul kago_jpa.tiko, no_ko_l sa.hi-ja.hiante sapr.ao akana.

Umerte lahak' akan nui a.diba.si a.d.ige ma~ya~ moyok' ar awat.apa akanae. Sa~e ke sa~e jumi-jaega khone er.an' ocoakana. Ac'ak' or.ak' bhit.a.re ho~ ban'ma daya ma~ya~ kha.tirteko tahe~ ocoakadea. Menkhan noa bo_so_t bhit.a.re mit' okte gajar.te perez' akan tahe~kana. Ar noa gajar.ko sapha sa.phikate or.ak'e benao rakap'ket'tey giro_basena. Onate jumi la.git'te kacaha.rikoe da~r.a~ a.curkeda, Biswa.s tahe~kantaea mit' hilok' noa jumi udha.rkate tayom pir.hi la.git'e do_ho o.takak'a.

Menkhan hae hae! Abhagia. cet' dosare par.aoena?

Mo~r.e~ ge_l (50) serma paro_mena. Nit ho~ or.ec' pho_n'pho_n' dolil mot.ra kate ka.lun'd.a.bun' dua_r dua_rre a.cur bar.ae kana. Mo_n perec' gad_ao akan biswa.swante dine khemaet' kana. Becaria. Mon'gol Tudu gamcha mot.ra metak'me put.li kor.amre dohoakat' ja.pit' jhu~kre kukmu n'en'el kana, Noa dolil okoege ban'ko go_ro_jak' kana, ar celege biswa_s ho~ ban'ko biswa.sok' kana. Tin n'inda. co_jagwar akane tahe~n? Kamkaj ho~ bae calak' kana. Cedak'je dolilko ho_rho_ ho_rho_te okto paro_mok' kantaea.

Or.ak' cha.uni ho~ bhuga.k'gea, bhitko dasaoente mon ho~ dasaoena. Pasec' re pasec' noa ja.put dinre dolilko lo_ho_t cabak'. Se jo_to_nre do_hokak'a. Mon'gol Tudu okoege ban'ko khoje kana. Ac'tet'ge at'lenre ho~ or.ec' pho_n'pho_n' dolile rukhia. do_hoea.Tina.k'e ae-rojgaret' tahe~kan ina.tege mamla koe calaoet' kana. N'uu bubulak' metak'me (ta.r.i, ha.nd.i) nonkanak're bae ma.lun'ok'a. Mit't.enge nisa.tae ona do_jumi udha_r. Mahajon ko Mon'gol Tudu n'elte bogete muluc' ma.chiko landaya. Ado_ enkage an'jo_mte bo_ho_k' kud.bur katec'e sa paro_mok'a. Ar mone monete sisirja.uic'e disa_ea.

Tinre lahanti akan disomre hana nhawa benao la.git' ber.haeteak'ko ba.r.ic'et' kana. Unre Mon'gol Tudu tako at.kareda noa jo_to_wak'ge micha.gea. Bad.aeabon je_, janam datakoge ber.haeteak' se prokiti sewako. Entet' ber.haeteak' cecet'ak'ge kha.t.itet' kana, dare na~r.i~ ban'caolenre, manwako ban'caok'a.

Onka leka jumie udha_r dar.eak'a se ban' menkhan mit' din hilok' kha.t.i bica.ra n'amjon'a. Onatege bhit.a khon laga ocoakan Mon'gol Tudu binpust.a.u or.ec' pho_n'pho_n' dolil re as ar bhorsa kate jiwet' bhore jogao do_hoea.

Eho_p'ena Booster Doge Emok' Rean' Ka_mihora Ko

Tehen' Mon'golbar (19 July) got_a disomre booster doge rean' mit't_en ka_mihora ehop'akana. Tehen'ak' dinre eyae ge_l mo~r.e~ (75) lak hor_ko booster doge emako rean' hudis bhabna menak'a.

Hola Sombar Sastho montri Zahid Malek noa khobore la_i so_do_r akada. Ar onka leka tehen' setak' 9:00 baja khonge mimit' t_ika. centre kore booster doge ko emako kana.

Ente sanamko bon bad_aea je, noa got_a disomre ko_ro_na ro_g cet'leka ha_ha_nkana mente. Mit' gha_r_ite ko_mo_k' kana arho~ d_herok' kana. Ar sa_rige a_d_i alagate hor_ko ja_bunok' kana. Menkhan noa ro_g kho_n rukhia.k' la_git' t_ika. do_a_d_ige ja_rur. kana. Onate ko_ro_na ro_g sa~o la.pa.r.ha.i la_git' noa tesarak' doge metak'me booster doge emok'ko got_a akada.

Pa_n'ci Da_r_hi Kate President Vot Ko Emkeda Bidhayok Ko

Tehen Sombar (18 July). Bharot' disomre President vot hoyena. Noa President votre BJP do_l sec' khon bachaoic' NDA presidential candidate Droupadi Murmu ar uniren vot rey tengo akana Trinomul khon mare Union Montri Yashwant Sinha. Bad_aeteak' do noage BJP ren bidhayok ko pa_n'ci da_r_hi kate tehen'ak' president vot ko emkeda. Ina. chad_a ho~ BJP sec' khon okoe a_k'yuric'e tahe~kan metak'me Bidhayok Sudip Mukhopadhay uni ho~ pa_n'ci da_r_hi katec' vot-e a_yurkeda.

Bharot disomren a_diba_si koak' lae-legcar ak' cinha kana noa pa_n'ci. Cet'leka mone mena onkage noa pa_n'cim ho_ro_k' bande dar_eak'a. Onkaleka noa pa_n'ci bo_ho_k're horok'lekhan pa_n'ci da_r.hiko metak'a. Arho~ noa pa_n'ci dhuti leka ho_ro_k' lekhan ona do pa_n'ci d_en'ga ko metak'a. BJP ren turui ge_l gare (69) go_ten bidhayok ko pa_n'ci da_r.hi kate vot ko emkeda. Menkhan nonkan ho_ro_k' bande katec' vot em n'elte, Trinomul porisod do_lren noa birudreko na_liskeda.

Ente ban'ko n'el sahao dar_eada. Cedak'je, menkeda ko, president oka ja_tti-gosthiren kane, uniak' cinha n'utumte noako ho_ro_k' akada mente. Menkhan BJP ren a_k'yuric' Suvendo Adhikari do pust_aute la_iat'koa. Nonkan monsuba_te bacole ho_ro_k' akat'. Ale do a_diba_sikoak' (calture) se lae-legcar man manot la_git' pa_n'ci da_r.hi katec' votle emkeda. Sa_rige a_diba_sikoak' nonkan ho_ro_k' bande katec' vot ko emket' do ra_ska ar hahar_awa_k' kangea. D.her hor_ko menet' kana noa vot re Dropaudi Murmu ge_jita_uk'a. Menkhan noa vot reak' jo n'am la_git'te ta_n'gi hoyok'a.

Tuma_l: anandabazar.com

Nu' Bu_l Babawak' Hor_mo Ten Tey Goc'ena Pe_ Cando Ren Gidra

Ponchogor Atwari upjila reak' mitt_en ghot_na. Noa ghot_na do a_d.i bhabna reak' kangea. Ente Somapti Hasda n'utuman Pe_ cando ren mit't_en hud_in' gidra ac' babawak' hor_mo ten tey goc'ena. At_hwar hilok' (10 July) upjila reak' Bolorampur union reak' Dohsur 1 no ward re a_diva_si santal atore noa ghot_na ghot_ao akana. Uni gidra ren babawak' n'utum do Suniram Hasda.

Atwari thana ren Sub Inspector (SI) Sahin Al Mamun doe bad,ae ocokeda je, Enhilok' n'inda, uni gidra,ren en'gat do pa,t,ia, at,et' kate gidra, sa'õ latare gitic'ena. Mit' jokhen gidra,ren baba Suniram hec'kate gitic'ente ja,pit' akat' okte ackage gidra, cetanre n'urha,yena. Khange uni hud,in' gidra, doe ten goc'ena. Bad,ae n'amena ban'ma, Suniram do n'u bul akane tahe~kana.

Atwari thana ren bharapon a,piser (OC) doe bad,ae ocokeda, uni gidra,wak' gujuk' re gharon'j sec' khon jahan na,lis (ovijog) do ba,nuk'anan'. Onate noa ghot,na Babot thanare mit't,en opomritur (UD) mamla do em akana.

Source: banglanews24.com

Tehen' Do Got,a Dha,rti Ma,nmi Son'kha Ma~ha~

Tehen do Sombar (11 July). Ar tehen' mit't,en bises ma~ha~ kana. Metak'me Got,a Dha,rti Ma,nmi Son'kha Ma~ha~ kana. 1990 serma reak' teneh'ak' din 11 July re are ge,l (90) got,en disomre pa,hil ma,nmi son'kha Ma~ha~ko manaoket'a. Ado un khonak'ge got,a disomre Ma,nmi son'kha Ma~ha~ko manao a,guiet' kana.

Ban'gladisomre Gel sermare mot,re bar karor, hor, se ma,nmiko d,herakana. Ja,tikoren baba Bon'go bondhu Sheikh Mujibur Rahman ak' ja,hi~t se kurumut,ute 1974 sermare pa,hil hor, lekha do hoelena. Un okte disomre hor,koak' son'kha tahe~kana 7 karor, 15 lakh. Ina,kate 1981 sermare tahe~kan hor,koak' son'kha 8 karor, 99 lakh, ar 1991 sermare do 11 karor, 15 lakh, onka leka 2001 sermare ho~ lekha lekate hor,koak' son'kha tahe~kana 13 karor, 5 lakh. Ar 2011 sermare lekha lekate, noa disomre 14 karor, 98 lakh. Enreho~ hor,koak' son'kha do lekha baher metak'me noa khon ho~ d,herge menak' bar,akoa.

N'elkeda bon je, sa rige disomre ba.i baite hor.koak' son'kha tina.k'gan d.her akana mente. Menkhan enreho~ korona mahama.ri kha.tirte nit. akan oktere bar serma tayom calaoen 15 June khonak' disomren hor. lekha ehop'ena. Ado digital nia.mte hoyok'kante nia. dhao do a.d.i algate nebetar jugren hor.koak' son'kha bad.ae n'amok'a. Ar pust.a.uk'abon se sanamko bon bad.ae n'ama nit tina.k'gan hor. noa disomre menak'bona mente.

Disomre Ko_ro_na Rog Arho~ D.herok' Kana

Disomre ko_ro_na rog do arho~ ba.i baite d.her sec'ge mohnd.a akana. Ente ko_ro_na rogte ja.bun akan hor.koak' gujuk' son'kha ho~ din dinte d.herok' kana. Menkhan noako dinre sikhna.t t.hao~nako bond dohoe la.git' jahan hudis-cinta. ba.nuk'anan' mente sikhna.t Montri Dipu Moni doe bad.ae ocokeda. Arho~e menkeda je, Disomre korona t.ika.ko calao idik'kana. Nit dha.bic'te aema hor.ge booster doge ko hatao akat'a. Menkhan korona rog do arho~ d.her akana. Bad.aekak'abon je, sanamko arho~ mask horok' la.git'bo neho~r oco akana. Onkaleka sikhna.t t.ha~onakore ho~ mask horok' se beohar la.git'te la.i sad.eakana.

Noa lahare Sastho Montri Zahed Malek-e bad.ae ocoakada, 12 khon cetan umeran d.her pa.t.hua. gidra.ko ko_ro_na t.ika.ko hatao akada. End.ekhan nit 12 khon latar umeren pa.t.hua. gidra.ko ho~ t.ika. tabere a.guko la.git'te hudis cinta. calak' kana. Noa umerren gidra.ko t.ika. tabereko hec'len khan sikhna.t t.ha~onako ardo ban' bondok'a. Enreho~ ko_ro_na rog a.d.ige cha.pla.ulen khan tayomte sikhna.t

t.ha~onako reak' bebostha hataowak'a.

Eken pa.t.hua. gidra.ko do ban' sanamko sontor tahe~n ja.rur.kantabona. Onate dela sanamko maskbon beohara ar sanam lekan a.nkobon manao-ganaoma. End.ekhan niropon hor.mo taha~enre jahan muskil ban' hoyok'tabona honan'.

SSC (Secondary School Certificate) Ar Ona Man Reak' Bid.a.u Do August Cando Hoyogok'a

Banba.si ar d.uba. dak' kakhante bond akan SSC ar ona man reak bid.a.u do darakan August cando hoyogok'a mente bad.ae n'amen. At.hwar hilok' (3 July) Anto: sikha board re mit' dupur.up're noako nit.keda.

Onka leka Karigori sikhna.t board, Comilla sikhna.t board ar Dhaka sikhna.t board ren sanam chairman ko noa bid.a.u la.git'te akoak' apan a.pin board rean' kathako la.i sodorkeda. Jotokogeko mepenena je, August cando reak' pa.hil haptage bida.u ehop' la.git'ko kurumut.u kana. Menkhan enreho~ noa do eken sikhna.t montronaloy ak' got.a lekate bid.a.u do hoyogok'a.

Dhaka sikhna.t board ren chairman professor Topon Kumar Sorkar doe bad.ae ocokeda, Eid tayom khange SSC bid.a.u reak' nawate ta.rik ar Routine kodo sodorok'a. Banba.si reak' kathako hudiskatege nitok' khon jahan ta.rik do ban' sodorok' kana. Ente Syhlet t.ot.ha reak' hal halot nonka kana, nit ond.enak' sikhna.t t.ha~onakore bid.a.u hatao a.d.ige muskilgea. Onate Eid tayomge bida.u tis hoyogok'a jotowak' do

bad .ae n´amok´a.